

光緒山西通志

大事記一

記三之一

山西通志第八

湯進士出身頭品頂戴兵部侍郎兼都察院右副都御史巡撫山西提督軍務臣張煦等

旨監修

世所傳晉史乘四十二篇出於元人依託其偽殆無足辨獨竹書爲諸家徵引軼事僅存差可信爲古文雖復上起黃帝下逮魏氏不純晉事而承用夏正年月秩然與春秋表裏猶想見乘史相傳之舊郡縣而後若上黨河東冀州諸記或但陳古蹟或旁摭時事則惟地志之一端其體既非編年其書亦久散佚難並論矣夫經傳燦著不煩博稱國史祕藏無由外覩故溫公作通鑑勢不得不斷代爲書託始七國絕筆五季準斯以言記述之例可得而詳也茲採三晉以前事蹟既仿史表散見於譜而於

昭代鉅典隆施則敬述爲

巡幸荒政二記其自秦漢以迄元明例不能從略也乃約取
史文參以方志因地考時因時繫事按年編次別著爲篇以
踵乘史之遺文存累朝之掌故數典之義或無戾焉紀年兼
存統閏者內外之辭以疆域爲斷也敘事不立綱目者褒貶
之法非外史敢託也

秦漢

新莽

後漢

三國魏

晉

東晉後魏

北漢

後

趙燕

後秦

夏燕

秦始皇帝二十六年

庚辰

初并天下分置河東太原上黨雲中

九原雁門代郡郡置守尉監

史紀本紀漢書地理志

二十九年東游琅邪道上黨入

本紀

三十三年斥逐匈奴自榆中並河以東屬之陰山以爲三十

四縣年表作四縣城河爲塞使蔡恬渡河取高闕陶山北假中

築亭障徙請實之初縣同上

三十四年趙治獄不直者築長城同上

三十六年徙民於北河榆中年表

二世皇帝元年王辰九月郡縣皆反同上

二年正月趙王歇始立 九月魏豹自立爲魏王年表

右秦

漢高祖元年乙未項羽徙魏王豹爲西魏王都平陽徙趙王歇

爲代王都代漢書高帝紀

二年陳餘迎代王歇遷趙歇立餘爲代王本紀漢王自臨晉

渡河魏王豹降將兵從下河內豹歸親親疾絕河津反爲楚

韓信與曹參灌嬰俱擊魏魏盛兵蒲坂塞臨晉信乃益爲疑

兵陳船欲渡臨晉而伏兵從夏陽以木罌渡軍襲安邑參攻魏將軍遜邀軍東張大破之因取安邑得魏將王襄追至武垣生得魏王豹取平陽得魏王母及妻子悉定魏地凡五十

三縣置河東太原上黨郡

帝紀韓信曹參列傳

三年韓信張耳東下井陘擊趙獲趙王歇斬陳餘泚水上禽代相夏說於闕與曹參圍趙別將戚公於鄆城中戚公出走追斬之

同上

六年正月以雲中雁門代郡五十三縣立兄宜信侯喜爲代王以太原郡三十一縣爲韓國徙韓王信都晉陽信請徙馬邑許之九月匈奴圍韓王信於馬邑信降匈奴

帝紀韓王信傳

七年上自將擊韓王信於銅鞮斬其將王喜信亡走匈奴其將曼邱臣王黃共立故趙後趙利爲王收信散兵與匈奴共

距漢上從晉陽連戰乘勝逐北至樓煩韓王信傳匈奴使左
黃等屯廣武以南至晉陽與漢兵戰漢兵大破之漢嬰傳徒
擊韓王信於代至馬邑別降樓煩以北六縣新代左將成胡
騎將於武泉北復從驍信胡騎晉陽下所將李斬胡白還將
一人又擊破胡騎於石胡勃傳從韓王信於代降下
人以前至武泉驍騎破之武泉北韓王信軍錫鞬破之
還降太原六城驍信胡騎晉陽下破之下晉陽後擊韓信
軍於若石破之追城北入會大寒士卒墮指十二三遂至平城
十里遺攻樓煩三城

爲匈奴所圍七日用陳平祕計得出韓王信傳冒頓居代谷
還報日可擊上遂至平城上白登匈奴騎圍上上遣使人視冒頓
遺閼氏閼氏說冒頓稍引去天務漢使人往來胡不覺護
軍中尉陳平請令灑弩傳兩矢外鄒餘行出國十一月匈奴
入平城漢救兵亦至胡騎遂解去漢亦罷兵歸

奴攻代代王喜棄國自歸赦爲合陽侯封子如意爲代王並

九年徙代王如意爲趙王封陳豨爲列侯以相國守代同

十年代相陳豨反故韓王信爲匈奴將往來擊邊帝紀韓

王信傳

十一年太尉周勃左丞相樊噲定代地斬韓王信於參合陳

豨奔靈邱尋斬之於當城本紀周勃道太原入定代地至馬邑

韓王信於參合周勃傷擊韓信陳豨越利軍於樓煩破之得

豨將宋最雁門守困因轉攻得雲中守遂丞相箕肆將軍博

定雁門郡十七縣雲中郡十二縣因復擊豨破之斬豨

丞相程縱將軍陳武都尉高肆定代郡九縣樊噲破豨胡

將王黃代南因擊韓王信軍參合所將卒斬韓信擊豨胡

橫谷斬將軍趙既虜代相馮榮守孫奮大將王黃將軍大將

一人代郡邑七十三 詔取山南太原之地益屬代代之雲

中以西爲雲中郡立子恆爲代王都晉陽後遷中都帝紀

高后五年戊午九月發河東上黨騎屯北地高后紀

八年高后崩大臣共誅諸呂迎立代王上同

文帝元年戊午十月遣車騎將軍迎皇太后於代文帝紀

二年三月立子武爲代主參爲太原王上同

三年五月幸太原見故羣臣皆賜之舉功行賞諸民里賜牛

復晉陽中郡三崧租留游太原十餘日同上 徙代王武爲

淮陽王更太原王參爲代王諸侯王表

十六年治汾陰廟先是新垣平言周鼎亡在泗水今河決通

於泗臣望東北汾陰直有金寶氣意周鼎其出乎兆見不迎

則不至於是上使使治廟汾陰南臨河欲祠出鼎郊祀志

後三年庚辰十六年以新垣平言改明年爲元年二月行幸代帝紀

五年秋七月行幸代同上

六年冬匈奴三萬騎入雲中令楚相蘇意爲將軍屯句注同上

景帝元年乙酉四月遣御史大夫青翟至代下與匈奴和親景帝紀

中六年丁酉六月匈奴入雁門至武泉同上

後二年己亥春匈奴入雁門太守馮敬與戰死發車騎材官屯

上同

武帝元光元年未冬十一月衛尉李廣爲驍騎將軍屯雲中

中尉程不識爲車騎將軍屯雁門六月罷

武帝紀

二年六月御史大夫韓安國爲護軍將軍衛尉李廣爲驍騎將軍太僕公孫賀爲輕車將軍大行王恢爲將屯將軍大中大夫李息爲材官將軍將三十萬眾屯馬邑谷中誘致單于欲擊之單于入塞覺之走出六月單于罷將軍王恢坐首謀不進下獄死

同上

匈奴傳

漢使

馬邑人

王恢

坐首謀

不

貪馬邑財物

以十萬騎入武州塞

伏兵三十餘萬

見布野而無人牧者

怪之乃攻亭時雁門尉史行微見寇保此亭單于得飲刺之

尉史知漢謀迺下具告單于單于大驚曰吾固疑之迺引兵

還出日吾得尉史天也以尉史爲天王漢兵約單于入馬邑

而縱兵單于不至以故無所得將軍王恢部出代擊胡

聞單于還兵

多不敢出

單于

王恢

部出代擊胡

重

五年正月發卒萬人治雁門阻險

同上

六年冬遣騎將軍公孫敖出代輕車將軍公孫賀出雲中虜騎將軍李廣出雁門敖廣失師而還詔將軍已下廷尉使理

正之赦代郡雁門軍士不循法者

同上

元朔元年

癸丑

秋匈奴入雁門敗都尉殺略三千餘人遣將軍

衛青出雁門將軍李息出代獲首虜數千級

同上

二年春匈奴復入寇遣將軍衛青李息出雲中至高闕擊走

白羊樓煩王於河南收河南地置朔方五原郡

帝紀何奴傳

三年匈奴數萬騎入塞殺代郡太守共友入雁門殺略千餘

人

同上

四年夏匈奴入代定襄上郡各三萬騎殺略數千人

同上

五年春遣車騎將軍衛青將三萬騎出高闕合蘇建公孫賀

李蔡李息張次公所領軍凡十餘萬擊匈奴右賢王以漢兵
遠不能至飲酒醉青及諸將軍出塞六七百里夜圍右賢王
右賢王驚夜逃獨與壯騎數百馳潰圍北去得右賢裨王十
餘人眾男女五千餘人畜數十百萬

通鑑

秋匈奴入代殺都

尉紀

帝紀

六年二月大將軍衛青將六將軍兵十餘萬騎出定襄斬首
三千餘級還休士馬於定襄雲中雁門 四月衛青復將六

將絕幕大克獲

同上

元狩二年

庚申

冬匈奴入雁門殺略數百人

同上

三年秋匈奴入定襄

同上

四年春大將軍衛青將四將軍出定襄驃騎將軍霍去病出
代各將五萬騎步軍隨軍後數十萬青至幕北圍單于斬首

萬九千級至關顏山乃遷去病與左賢王戰獲首虜七萬級

封狼居胥山乃還

同上

元鼎元年乙丑五月得鼎汾水上

同上 應劭曰得寶鼎故因是改元

三年徙代王義爲清河王

諸侯王表

四年自夏陽東幸汾陰汾陰男子公孫滂洋等見汾旁有光

如絳上遂立后土祠於汾陰唯上親望拜如上帝禮 六月

得寶鼎后土祠旁

帝紀 郊祀志汾陰巫綿爲民祠魏勝后土營旁見地如鉤狀指視得鼎鼎大異於

眾鼎文錢無款怪之言吏吏告河東太守勝勝以聞天子使

驗同巫得鼎無姦詐乃以禮祠迎鼎至甘泉從上行薦之

同上

五年匈奴入五原殺太守

六年冬行東將幸緄氏至左邑柘鄉聞南越破以爲聞喜縣

匈奴傳

上遣故太僕公孫賀將萬五千騎出九原

匈奴傳

元封元年辛未十月行雲陽北歷上郡西河五原出長城北登

單于臺至朔方臨北河十八萬騎旌旗經千餘里威震匈奴

紀帝

四年自代還幸河東祠后土詔曰朕躬祭后土地祇見光集

於靈壇一夜三燭幸中都宮殿上見光其赦汾陰夏陽中都

死罪以下賜三縣及楊氏皆無出今年租賦

同上案夏陽是晉陽

六年春作首山宮三月行幸河東祠后土詔曰朕禮首山昆

田出珍物化或爲黃金祭后土神光三燭其赦汾陰殊死以

下賜天下貧民布帛人一匹

同上

太初元年

丁丑案是年初用夏正以正月爲歲首

令因杆將軍築受降城

匈奴傳

二年三月行幸河東祠后土令天下大酺五日詔曰朕用事

介山祭后土皆有光應其赦汾陰安邑殊死以下

帝紀

匈奴

遣兵攻受降城不能下乃侵入邊而去

匈奴傳

三年夏遣光祿勳徐自爲築五原塞外列城 秋匈奴入定

襄雲中殺略數千人行壞光祿諸亭障

同上

天漢元年辛巳三月行幸河東祠后土 秋發謫戍屯五原

同上

二年春遣因杆將軍出西河與強弩都尉會涿邪山

匈奴傳

三年秋匈奴入雁門太守坐畏愞棄市

帝紀

四年正月遣貳師將軍李廣利將六萬騎步兵七萬人出朔方因杆將軍公孫敖萬騎步兵三萬人出雁門游擊將軍韓說步兵三萬人出五原強弩都尉路博德步兵萬餘人與貳

師會

同上

征和二年庚寅匈奴入五原殺略吏民

同上

三年正月匈奴入五原殺都尉三月遣貳師將軍廣利將七萬人出五原御史大夫商邱成二萬人出西河與虜戰多斬

首同

後元二年

甲午

冬匈奴入朔方殺略吏民發軍屯西河左將軍

柴行北邊

昭帝紀

昭帝始元四年

戊戌

匈奴入代殺都尉

匈奴傳

元鳳三年

癸卯

匈奴三千餘騎入五原略殺數千人後數萬騎

南旁塞獵行攻塞外亭長略取吏民去

同上

宣帝本始元年

己酉

秋遣御史大夫田廣明爲祁連將軍四萬

餘騎出西河前將軍韓增三萬餘騎出雲中雲中太守田順

爲虎牙將軍三萬餘騎出五原咸擊匈奴

同上

元康四年

己未

二月河東霍徵史等謀反誅

宣帝紀

神爵元年

庚申

三月行幸河東祠后土詔曰東濟大河天氣清

靜神魚舞河幸萬歲宮神爵翔集其以五年爲神爵元年賜

天下勤事吏爵二級民一級女子百戶牛酒饑寡孤獨高年

帛所振貨物勿收行所過毋出田租

同上

三年正月行幸河東祠后土詔曰單于稱臣朝賀正月北邊晏然靡有兵革之事朕飭躬齋戒郊上帝祀后土神光並見或興于谷燭照濟宮十有餘刻甘露降神爵樂已詔有司告祠上帝宗廟其減天下口錢赦殊死以下賜民爵一級女子百戶牛酒大酺五日加賜饒寡孤獨高年帛世西河屬國以處匈奴降者

同上

甘露二年己巳十二月匈奴呼韓邪單于款五原塞

同上

三月呼韓邪單于請留居光祿塞下保漢受降城詔長樂衛尉董忠留衛單于助誅不服轉邊穀米糒前後三萬四千斛

給贍其食

匈奴傳

元帝初元元年癸酉呼韓邪單于上書言民衆困乏詔雲中五原轉穀二萬斛以給之同上

四年三月行幸河東祠后土赦汾陰徒賜民爵一級女子百

戶牛酒鰥寡高年帛行所過無出租賦元帝紀

成帝陽朔二年戊戌秋關東大水流民欲入函谷天井壅口五

阮關者勿苛留遣諫大夫博士分行視成帝紀

永始四年戊申行幸河東祠后土賜吏民爵行所過無出租

同上

元延二年庚戌三月行幸河東祠后土因遊龍門登歷觀楊雄河東賦

四年三月行河東祠后土帝紀

綏和二年甲寅三月行幸河東祠后土同上

襄帝建平元年乙卯定襄牡馬生駒三足隨羣飲食太守以聞

五行

王莽始建國三年辛未莽大分匈奴爲十五單于遣中郎將藺

苞副校尉戴級將兵萬騎多齎珍寶至雲中塞下招誘呼韓

邪單于諸子欲以次拜之單于聞之怒曰先單于受漢宣帝

恩不可負也今天子非宣帝子孫何以得立遣兵入雲中益

壽塞大殺吏民是後單于歷造左右部都尉諸邊王入塞寇

盜殺雁門朔方都尉略吏民畜產不可勝數莽拜十二部將

帥發郡國勇士武庫精兵屯守以厭難將軍陳欽震狄將軍

王巡屯雲中葛邪塞匈奴傳王莽傳莽遣王况出五原王

眾集吏士縱恣內郡愁於徵發民棄城郭流爲盜賊并州平州尤甚

天鳳二年乙亥五原代郡兵起時衛卒二十餘萬人久屯塞邊

三歲不得代穀糶常貧仰衣食於縣官歲大饑人相食盜賊
蜂起數千爲羣轉入旁郡莽遣兵與郡縣合擊歲餘乃定

通鑑

右前漢

世祖建武元年

乙酉

前將軍鄧禹自箕關將入河東河東都尉

守關不開禹攻十日破之又擊斬更始大將軍樊參於是王
匡成丹劉均合軍十餘萬共擊禹禹軍不利樊崇戰死會日
暮罷戰明日癸亥匡等以六甲窮日不出禹因得更理兵勒
眾明且匡悉軍出攻禹禹令軍中無得輒動既至營下傳發
諸將鼓而進之大破匡軍匡等皆棄軍走禹率輕騎急追獲
劉均及河東太守楊寶持節中郎弭彊皆斬之收得節六印
綬五百兵器不可勝數遂定河東承制拜李文爲河東太守
更置縣令長以鎮撫之

後漢書
鄧禹傳

宗正劉延攻天井關與更

始將田邑連戰延不得進邑迎母弟妻子為延所獲後邑聞

更始敗遣使詣洛陽獻璧馬即拜上黨太守遣使招鮑永馮

行馮衍

二年鮑永馮衍罷兵詣河內降

鮑永傳更始二年遷南書僕

集河東并州朔平至河東擊青犢大破之更始封為中

侯赤眉害更始三輔道絕光武即位遣諫諍大夫儲大

節微永疑不從收繫大伯既知更始已亡遁出大封上

將軍列侯印綬悉罷兵幅巾與諸將及同心客百餘人詣河

內馮衍傳永素重衍以為立漢將軍領復孟長屯太原與上

黨太守田邑等繕甲養士扞衛并土及世祖即位遣使招永

衍永衍疑不肯降或說言更始隨赤眉在北永衍信之故屯

兵界休方移書上黨云皇帝在雍以或百姓永遣弟升及子

婿張舒誘降淫城舒家在上黨邑悉繫之又書勸永降

五年十二月盧芳自稱天子於九原

光武帝紀

六年六月代郡太守劉興擊盧芳將賈覽於高柳戰歿

同上

七年詔中堅將軍杜茂引兵屯田晉陽廣武以備寇盧芳所

置雲中太守喬扈舉郡降

帝紀杜茂傳

九年遣大司馬吳漢率王常等四將擊賈覽於高柳戰不利

驃騎將杜茂復戰於繁時敗績還雁門吏人於太原

帝紀吳漢傳

十年春上谷太守王霸復與吳漢等四將軍將六萬人出高

柳擊賈覽匈奴遣騎救覽諸將連戰於平城下破之追出塞

斬首數百級而還

帝紀王霸吳漢傳

是歲省定襄郡徙其民於西

河

帝紀

十一年省朔方牧併并州

帝紀

河東盜起詔杜詩往捕擊斬

賊楊異等於大陽

杜詩傳

十二年七月平陽雨雪大如杯壞敗吏民廬舍

五行志注

遣杜

茂將眾郡弛刑屯北邊築亭候修烽燧

帝紀

十三年二月盧芳自五原亡入匈奴 五月匈奴寇河東上

十四年九月平城人賈丹殺盧芳將尹由來降上

同

十五年二月徙雁門代郡上谷三郡民置常山關居庸關以

東 九月盧芳自匈奴入居高柳上

同

十一月定襄都尉陰

承叛太守隨誅之

善志

十六年十二月盧芳遣使乞降封芳爲代王

帝紀

十八年三月幸蒲坂祠后土 五月盧芳復亡入匈奴上

同

二十年匈奴寇上黨 省五原郡徙其吏人置河東上

同

二十一年十月伏坡將軍馬援將三千騎出五阮關掩擊烏

桓斬百級而還烏桓復尾擊援後援晨夜奔歸比入塞馬死

者千餘匹

烏桓傳

二十二年烏桓破匈奴匈奴北徙幕南地空詔罷諸邊郡亭

候吏卒

帝紀

二十三年匈奴莫鞮日逐王率部曲遣使詣西河求內附

同上

二十四年莫鞮日逐王比遣使款五原塞求扞禦北虜比自

立爲南單于於是分爲南北匈奴

同上

二十六年令南單于入居雲中轉河東米糶二萬五千斛牛

羊三萬六千頭以贖給之始置使匈奴中郎將將兵衛護尋

徙居西河美稷令西河長史歲將騎二千弛刑五千人助中

郎將衛護冬屯夏罷以爲常於是雲中五原朔方北地定

襄雁門上谷代八郡民歸於本土遣謁者分將弛刑補理城

郭發遣民在中國者布還諸縣皆賜以裝錢轉輸給食南

單于旣居西河亦列置諸部王助爲扞戍令當千骨都侯屯

五原呼衍骨都侯屯雲中郎氏骨都侯屯定襄左南將軍屯

雁門粟藉骨都侯屯代郡皆領部眾爲郡縣偵羅耳目

帝紀南匈奴

得奴

明帝永平五年

戊戌

十一月北匈奴寇五原十二月寇雲中南

匈奴擊卻之

明帝紀

八年三月初置度遼將軍屯五原曼柏 北匈奴寇西河諾

那匈奴

十三年四月行幸榮陽因遂渡河登太行進幸上黨

帝紀

十六年二月遣太僕祭彤出高闕騎都尉來苗出平城伐北

匈奴 是歲北匈奴寇雲中雲中太守廉范擊破之

同上

章帝建初三年

戊寅

罷治埽陀石曰河初顯宗時治埽陀石曰

河從都慮至羊腸倉欲令通漕太原吏民苦役連年無成帝

以鄧訓爲謁者使監領其事訓考量槩括知其難成具以上

言詔罷其役更用驢羣歲省費億萬計全活數千人

通鑑

元和二年乙酉三月幸東阿北登太行山至天井關帝紀

三年八月幸安邑觀鹽池同上

章和元年丁亥十月北匈奴屈蘭備卑胡都須等五十八部口

二十萬勝兵八千人詣雲中五原降匈奴傳

和帝永元元年己丑六月車騎將軍竇憲出雞鹿塞度遼將軍

鄧鴻出柰陽塞南單于出滿夷谷與北匈奴戰於稽落山大

破之和帝紀

六年北單于降人反立逢侯爲單于車騎將軍鄧鴻等討之

時中郎將杜崇屯牧師城逢侯將萬餘騎攻圍之鴻等至美

稷逢侯乃乘冰度隘向滿夷谷追擊於大城塞斬首三千餘

衆校尉馮柱任尙要擊於滿夷谷復大破之逢侯遂率眾出

塞漢兵不能追匈奴傳

十二年賑貸五原民下貧者殺

帝紀

殤帝延平元年

丙午

河東垣山崩

安帝紀

帝紀

安帝永初元年

丁未

正月稟并州貧民穀

六月河東楊地陷

東西百四十步南北百二十步

十一月勅并州刺史民詭

言相驚棄捐舊居老弱相攜窮困道路其各勅所部長吏躬

親曉諭若欲歸本郡在所爲封長檄不欲勿強

帝紀五
行志

三年六月烏桓寇代郡

秋雁門烏桓與鮮卑及南匈奴合

七千騎寇五原與太守戰於九原高渠谷漢兵大敗殺郡長

吏乃遣車騎將軍何熙度遼將軍梁慄往擊大破之烏桓乞

降鮮卑走還塞外

並烏桓傳

十月南單于叛圍中郎將耿种於

美稷遣車騎將軍何熙討之

匈奴傳南部檀頓使遠東太守
耿种率鮮卑及諸部兵屯雁門

與車騎將軍何熙共擊之熙推養爲先鋒而遣其司馬耿溥

劉祉將二千人與養俱進到屬國故城莫健日逐王三千餘

人進漢兵莫自擊其左令鮮卑攻其右寇遂敗走過斬千餘級殺其名王六人獲穹廬車重千餘兩馬畜生口甚眾鮮卑馬多羸病遂擅出塞莫不能獨進以不窮追左轉雲中太守

并州大饑人相食

帝紀

五年春先零羌入寇河中以任尙爲侍御史擊眾羌於上黨

羊頭山破之誘殺降者二百餘人

西羌傳

元初元年

甲寅

六月河東地陷

帝紀

二年二月詔河東上黨太原各修理舊渠通利水道以溉公

私田

同上

三年正月修理太原舊溝渠灌溉官私田

同上

五年八月鮮卑寇代郡郡守張顯率吏士追出塞遙望虜營

煙火急趣之兵馬椽嚴援慮有伏兵諫止不聽顯遂令進援

不獲已前戰伏發援身被十創沒於陣顯拔刀追虜射中顯

馬主簿衛福以身擁蔽虜并殺之

通鑑

建光元年

辛酉

鮮卑寇雲中太守成嚴擊之兵敗功曹楊穆以

身扞嚴與俱戰沒鮮卑既累殺郡守控弦數萬騎未幾寇雁

門定襄十一月寇太原

同上

延光三年

癸亥

正月河東大風

帝紀

三月河東大風拔樹

五行志

十一月鮮卑其至韃自將萬騎攻南單于於曼柏莫韃日

逐王戰死殺千餘人

鮮卑傳

順帝永建元年

丙寅

增置緣邊諸郡兵列屯塞下教習戰射

鮮卑寇代郡太守李超戰死

順帝紀

陽嘉四年

乙亥

十月烏桓寇雲中遮截商賈牛車千餘兩度遼

將軍耿暘率二千餘人擊之不利又戰於沙南斬首五百烏

桓遂圍囑於蘭池乃發積射士二千人度遼營千人以討之

通鑑

二年八月鮮卑寇代郡

帝紀

永和四年

已卯

八月太原郡旱民庶流亡遣光祿大夫案行賑

貸除更賦

同上

五年南匈奴左部句龍大人吾斯車紐等叛圍美稷五月度
遼將軍馬續討吾斯車紐破之使匈奴使中郎將陳龜追殺南
單于九月徙西河郡居離石朔方郡居五原車紐立爲單于
十一月遣使匈奴中郎將張耽擊車紐戰於馬邑車紐兵敗
乃降

帝紀何
奴傳

漢安元年

壬午

八月句龍吾斯與莫璉臺耆且渠伯德等復掠

并部

同上

二年冬使匈奴中郎將馬寔遣人擊殺句龍吾斯

同上

建康元年

甲申

四月馬寔擊南匈奴左部破之烏桓七十餘萬

口皆詣寔降

上同

九月丙午太原雁門地震

神書紀

冲帝永嘉元年

乙酉

六月鮮卑寇代郡

質帝紀

桓帝建和二年

乙酉

七月河東言木連理

桓帝紀

永壽二年

乙未

七月鮮卑檀石槐寇雲中檀石槐勇健有智略

部落畏服推爲大人乃立庭於彈汗山歐池水上去高柳北

三百里盡據匈奴故地東西萬四千餘里網羅山川水澤鹽

池兵馬甚盛

鮮卑傳

三年七月河東地裂

五行志

延熹元年

戊戌

十二月鮮卑寇北邊使匈奴中郎將張奐率南

單于出塞擊之斬首二百級

鮮卑傳

二年二月鮮卑寇雁門

帝紀

九年六月南匈奴及烏桓鮮卑寇緣邊九郡七月遣使匈奴

中郎將張奐擊之十二月南匈奴烏桓率眾詣奐降同上

永康元年丁未五月丙申上黨苴氏地裂五行志

靈帝建甯元年戊申十二月鮮卑及濊貊寇并州靈帝紀

四年五月河東雨雹山水大出漂壞廬舍五百餘家 河東

地裂十二處裂合長十里百七十步廣者三十步 羣狼數

十頭入晉陽南城門嚙人並五行志 冬鮮卑寇并州帝紀

嘉平二年癸丑十二月鮮卑寇并州同上

三年十二月鮮卑寇并州同上

四年六月遣守宮令之鹽監穿渠爲民興利同上

六年八月遣護鮮卑中郎將田晏出雲中使匈奴中郎將臧

叟與南單于出雁門護烏桓校尉夏育出高柳並伐鮮卑宴

等大敗同上

光和二年未已十二月鮮卑寇并州上同

三年冬鮮卑寇并州

同上

鮮卑傳光和中檀石槐死子和連代立亦數為邊寇

六年夏五原山崩

同上

中平二年

已丑

十二月鮮卑寇并州上同

三年十二月鮮卑寇并州

同上

五年正月休屠各胡寇西河殺郡守邢紀 二月黃巾餘賊

郭太等起於西河白波谷寇太原河東 三月休屠各胡攻

殺并州刺史張懿遂與南匈奴左部合殺其單于 九月南

單于與白波賊寇河東

同上

六年大將軍何進遣并州從事張楊歸本州募兵得千餘人

因留上黨擊山賊進敗董卓作亂楊遂以所將攻上黨太守

於壺關不下略諸縣眾至數千人

三國志張楊傳

獻帝永漢元年己十月白波賊寇河東

獻帝紀

興平二年亥十一月李傕郭汜等追乘輿於東澗楊奉董承

引白波帥胡才李樂韓暹及匈奴左賢王去卑率師奉迎與

李傕戰破之十二月車駕進幸陝夜渡河乙亥幸安邑

同上

建安元年西正月癸酉郊祀上帝於安邑大赦天下改元建

安六月乙未幸聞喜

同上

六年袁尙遣郭援與高幹南單于攻河東城邑皆下河東郡

吏賈遠守絳援攻之城潰執遠囚之壺關

同上

七年曹操遣鍾繇圍南單于於平陽馬騰遣子超將兵與繇

會擊郭援破之南單于降

同上

十年十月高幹以并州叛執上黨太守舉兵守壺關口曹操

遣李典樂進擊之幹還守壺關城

同上

十一年曹操自將圍壺關三月拔之高幹走荊州捕斬之錄
既率馬騰兵斬援首幹及單于皆降後幹復舉并州反河東
衛固宏農張炎各起兵應之太祖以張既爲漢那參經軍事
使西徵諸將野騰等皆引兵會擊
幹等破之斬炎固首幹奔荊州

十四年太原商曜等以大陵叛遣夏侯淵徐晃圍破之魏略
以夏侯淵行征西護軍督徐晃擊太原
攻下二十餘屯斬賊帥商曜屠其城

十六年丞相操西擊馬超遣徐晃屯汾陰同上

十八年省并州入於冀州同上遣梁習於上黨取大材供鄴

宮室

梁習傳

二十一年分南匈奴之眾爲五部入居塞內左部居太原茲

氏右部居祁南部居蒲子北部居新興中部居大陵部立其

中貴者爲帥選漢人爲司馬以監督之三國志注魏末復改

所統可萬餘落右部都尉可千餘落南部都尉可三千
餘落北部都尉可四千餘落中部都尉可六千餘落

二十二年丞相操既拔漢中諸軍還到長安留騎督太原烏丸王魯昔使屯池陽以備盧水昔有愛妻住在晉陽昔既思之又恐遂不得歸以其部五百騎叛還并州留餘騎置山谷間單騎獨入晉陽盜取其妻已出城州郡乃覺吏民又畏昔善射不敢追梁習乃令從事張景募鮮卑使逐昔昔馬負其妻重行遲爲鮮卑射死操聞昔叛恐其擾邊聞已殺之大喜

梁習傳

二十三年代郡烏桓反丞相操以子彰爲中郎將夏侯尚爲參軍擊之彰身自搏戰乘勝逐北至桑乾去代二百餘里一日夜相及大破之

烏桓傳

右後漢

魏文帝黃初二年

辛丑

鮮卑軻比能出諸魏人在鮮卑者五百

餘家遷居代郡

三國志
鮮卑傳

六年并州刺史梁習討鮮卑軻比能大破之

三國志
魏紀

明帝太和二年

戊申

護烏桓校尉田豫出塞爲軻比能圍於故

馬城雁門太守牽招勒兵起救軍到平城寇胥憤散比能復

大合騎來平州塞北招行撲討大斬首級

魏志牽
招傳

青龍元年

癸丑

六月保塞大人步度根與叛鮮比大人軻比能

私通并州刺史畢軌表出軍以外戚比能內鎮步度根帝省

表促勒軌慎勿越塞過句注比詔書到軌已進軍屯陰館遣

將軍蘇尙董爾追比能遣子將千餘騎迎步度根部落與尙

爾相遇戰於樓煩二將沒步度根部落皆叛出塞與比能合

寇邊遣將軍秦朗將中軍討之虜乃走漠北

魏紀

景初二年二月遣都督監運諫議大夫寇茲帥五千人歲修

治砥柱平河阻

水經注

邵陵公芳嘉平四年

庚午

雁門新興二郡兵變

三國志注雍州刺史陳泰求勅

并州并力討諸葛恪景王從之未集而雁門新興二郡以將遠役遂驚反

元帝甘露四年拓拔力微徙居定襄之盛樂

北史索綽鮮卑

居北荒至可汗毛姑騷大數傳至可汗難分統部軍爲十族

帝魏書序紀神元三十九年遷於定襄之盛樂與魏和親四十二年遣子沙漢汗如魏觀風魏景元二年也

咸熙二年乙酉二月太行崩

晉書五行志

右三國魏

晉武帝泰始四年

戊子

河東雨雪地裂

晉志

七年三月匈奴帥左賢王劉猛叛出塞十一月遣寇并州刺

史劉欽擊破之

魏志

八年正月左部帥李恪殺猛以降

同上

咸甯二年

丙申

六月白龍二見於新興井中

八月河東平陽

地震

晉書五
行志

三年八月上黨霜害三豆

同上

五年五月辛卯雁門雨雹傷秋稼閏月壬子新興雨雹八月

庚子河東雨雹兼傷秋稼三豆

同上

太康元年

庚子

三月河東霜雹傷桑麥

同上

四月河東又雨雹

傷秋稼

帝紀

五月平陽上黨雁門雨雹傷禾麥三豆

五行志

二年三月甲午河東隕霜害桑五月庚寅河東上黨雨雹傷

禾稼七月上黨暴風雨雹傷秋稼

帝紀五
行志

匈奴郝散反攻

上黨殺長吏

帝紀

六年六月雁門雨雹十月新興山崩涌水出

五行志

九年幽州代郡有犬鼻行地三百餘步

同上

惠帝元康四年

甲寅

九月雁門新興太原上黨火風傷稼

五年

九月

拓拔祿官分其國爲三部自居濡源之北使兄子猗

屯統一部居代郡參合陂之北猗弟猗盧統一部居定襄

之盛樂故城

通鑑

永甯元年

辛酉

七月平陽風雹折木傷稼太原新興青蟲食禾

甚者十傷五六

五行志

永興元年

甲子

七月并州刺史東瀛公騰與幽州都督王浚同

起兵討成都王穎

八月匈奴五部都督劉淵自稱大單于

據離石十月遷都左國城僭稱漢王年號元熙 東瀛公騰

使將軍聶元討之與漢兵戰於大陵敗績 十二月漢遣劉

曜寇太原苻氏屯留長子中都皆陷之別將喬晞寇西河取

介休介休令賈渾不降晞殺之

東瀛公騰乞師於拓拔猗

弋猗弋率十萬騎助之大破淵眾於西河上黨

帝紀載此

二年漢王淵寇太原拓拔猗弋以輕騎數十救之斬其將某

毋厭假猗弋爲大單于東濠公騰遣司馬瑜周良石鮮等

伐漢次於離石汾城爲淵將劉欽等所敗井州大饑徙

井州刺史治於臺壁離石饑漢王淵遷於黎亭就邱閭栗

給離石守將東濠公騰自井陘東下吏民萬餘人隨騰就

穀冀州

魏書序紀晉書列傳載紀

光熙元年丙寅井州刺史劉琨至上黨募兵五百人使太守劉

惇兼將鮮卑以進漢王淵遣其前將劉景要擊劉琨於板橋

琨與戰敗之遂達晉陽

劉琨傳載記

懷帝永嘉元年丁卯漢王淵進據河東寇蒲坂平陽皆陷之平

陽太守宋抽奔京師河東太守宋遠戰死之屬縣壘壁盡降

石勒奔樂平胡部大張弼督馮突莫等擁眾數千壁於上黨石勒往從之與俱歸漢漢以勒為輔漢將軍平晉王時烏丸張伏利度亦有眾二千壁於樂平漢屢招不能致勒偽獲罪於漢奔伏利度利結為兄弟乃因會執之率其部眾歸漢漢加勒督山東征討諸軍事以伏利度眾配之

載記

二年七月漢徙都蒲子十月漢王淵僭稱皇帝改元永鳳上三年正月漢徙都平陽於汾水中得玉璽以為瑞大赦境內改年河瑞漢遣劉聰石勒攻壺關并州刺史劉琨遣將救之聰敗韓遂於西澗勒敗王肅於封田上黨太守劉惔以壺關降平北將軍王廣敗聰將喬乘於三垂別將崔恕與聰將碁母劇戰於黃阜敗死

潞城縣志案晉書本紀劉惔作糜

將黃秀於白田亦互異

石勒眾至十餘萬其衣冠人物集為君子營

引張賓爲謀主使其將張斯率騎詣并州山北諸郡縣說諸

胡羯曉以安危諸胡懼勒威名多有附者

紀

四年白部大人叛入西河鐵弗劉虎舉眾於雁門以應之攻

新興雁門二郡并州刺史劉琨率拓拔猗盧兵擊之大破白

部攻劉虎屠其營落虎西走渡河 劉琨表進猗盧爲大單

于代公猗盧以封邑去國懸遠乃帥部落萬餘自雲中入雁

門從琨求陘北之地琨乃徙樓煩馬邑陰館繁峙崞五縣民

於陘南以其地與之 是歲漢主淵卒太子和立其弟聰自

西明門攻斬和於西室僭卽帝位改元光興 并州大蝗食

草木牛馬毛皆盡

魏書序紀
晉書載紀

五年六月漢兵陷洛陽遷帝於平陽 并州牙門將邪延據

新興叛降漢代公猗盧遣軍討平之 漢靳冲寇太原平北

卜珣率眾繼之冲攻太原不克而歸罪於珣斬之

帝紀列傳

六年雁門烏桓復叛劉琨率精兵出禦之漢主聰遣子粲及

劉曜乘虛襲晉陽琨將張喬拒之戰於武權敗死太原太守

高喬以郡降琨父母并遇害琨還救不及帥數十騎奔常山

十月代公猗盧遣其子六脩爲前鋒自帥軍二十萬繼之

琨收散卒爲鄉導六脩與劉曜戰於汾東曜兵敗墜馬中七

劍夜踰蒙山而歸猗盧追之戰於藍谷漢兵大敗伏尸數百

里猗盧曰大獵壽陽山陳閔皮肉山爲之赤留其將箕澹等

或晉陽琨徙居陽曲招集亡散 劉琨自晉行臺約猗盧遣

十萬騎從西河鑿谷南出晉軍從蒲坂東渡會於平陽迎復

晉命事不果行

晉書列傳魏書帝紀

愍帝建興元年癸酉正月朔漢主聰宴羣臣於光極殿使帝著

薄衣行酒庾珉王儁等不勝悲憤因號哭聰惡之有告珉等謀以平陽應劉琨者聰遂殺珉儁帝亦遇害代公猗盧城盛樂以爲北都修故平城以爲南都更於湟水之陽黃瓜堆築新平城使長子六脩鎮之統領南部十二月河東地震雨內

晉書帝紀
魏書序紀

二年進并州刺史劉琨爲大將軍琨表司馬溫嶠爲上黨太守嶠西討山胡石勒將逢明憂之敗嶠於潞城蒲子馬生

人

列傳
帝紀

三年以大將軍劉琨爲司空都督幽冀并三州諸軍事進封代公猗盧爲代王五月漢主聰寇并州七月寇上黨劉琨遣將救之戰於襄垣敗績是年平陽地震其崇明觀陷爲池水赤如血赤氣至天有赤龍奮迅而去流星起於牽牛入

紫微龍形委蛇其光照地落於平陽北十里視之則肉臭聞於平陽長三十步廣二十七步肉旁常有哭聲晝夜不止數日肥后劉氏產一蛇一獸各害人而走尋之不見頃之見於積肉之旁聰以太廟新成改元建元雨血於其東宮延明殿徹瓦在地者深五寸平陽地震武庫陷入地一丈五尺河東大蝗惟不食黍豆斬準率部人收而埋之後乃鑽土飛出復食黍豆平陽饑甚大與豕交有豕著進賢冠升聰坐犬冠武冠帶綬與豕並升俄而鬪死殿上宿衛莫有見其入者希紀藏記

四年代王猗盧討其子六脩兵敗遂爲所弒猗弇子普根攻六脩滅之代立國中大亂將軍衛雄姬潛與劉琨質子遵帥晉人及烏桓三萬家馬牛羊十萬頭歸於琨琨兵由是復振

普根尋卒國人立鬱律十一月漢劉曜陷長安帝出降曜

送帝於平陽 石勒圍樂平太守韓據請救於劉琨琨新得

猗盧眾欲因銳氣以討勒命箕澹帥騎二萬爲前驅琨屯廣
牧爲之聲援勒據險要設疑兵於山上前設二伏出輕騎與
澹戰陽爲不勝而走澹縱兵追之入伏中勒前後夾擊大破
之澹奔代郡據棄城走并土震駭 十二月劉琨長史李宏

以并州降石勒琨帥眾奔薊勒將孔萇追姬澹於桑乾攻代

郡澹死之 是歲漢改元麟嘉平陽河東大蝗民流殍者十

五六石勒遣將屯并州招納流民歸之者二十萬東宮四門

無故自壞後內史女人化爲丈夫

魏書序紀
晉書載紀

五年七月平陽大旱蝗河汾大溢漂沒千餘家東宮災異門

閭宮殿蕩然 洛陽守將趙固河內太守郭默並反漢牧馬

東至於絳揚言當生縛劉粲以贖天子右司隸部人盜牧馬

負妻子奔之者三萬餘騎騎兵將軍劉勲追討之殺萬餘人
固默引歸 十一月漢主聰校獵上林以晉帝行車騎大將
軍戎服執戟前導行三驅之禮觀者皆指帝曰此故長安天
子也聚而觀之故老亦有悲泣者十二月大饗於光極前殿
聰欲觀晉臣之意使帝行酒洗爵更衣又使帝執蓋多有涕
泣或有失聲者尙書郎辛賓起而抱帝大哭引出斬之戊戌
帝崩於平陽紀

右西晉

晉元帝太興元年

戊寅 北漢劉粲漢昌元年劉曜光初元年

雨血於平陽廣表

十里

五月漢主所居螽斯則百堂災焚子會稽王以下二

十一人平陽西明門牡自亡霍山崩

七月劉虎侵代西郡

代王鬱律逆擊大破之虎走出塞

漢主聰卒太子粲卽位

平陽兩血 八月斬準執樂殺之劉氏男女無少長皆斬東

市發淵聰二陵斬聰尸焚其廟自號大將軍漢天王 石勒

率精騎五萬討準據襄陵北原準數挑戰勒堅壁以挫之十

一月劉曜至赤壁卽皇帝位以勒爲大司馬進爵趙公勒進

攻準於平陽巴及羌羯降者十餘萬落勒皆徙於所部十二

月漢將軍喬泰相與殺準推靳明爲主奉傳國璽降曜石勒

進軍攻明明出戰大敗帥平陽士女萬五千人奔漢漢主曜

收靳氏男女皆斬之石勒焚平陽宮室修二陵收樂以下百

餘口葬之置戍而歸

魏書序紀晉書五行志通鑑

二年漢主曜徙都長安改號趙 石勒自稱趙王尋屠石虎

爲車騎將軍率騎三萬討鮮卑鬱弼於離石俘獲及牛馬十

餘萬鬱弼奔烏丸悉降其眾城

晉書載記

四年後趙西南夷中郎將王勝襲殺并州刺史崔琨上黨內

史王春以并州叛石虎攻王勝於并州殺之載記案勅舊

蓋置內史據載記乃王勝叛勅也路安府志云石勅遣將

并州上黨內史王春以并州降於勅蓋據綱目書後趙陷幽

冀并州之語而誤也不知平陽以東地十月趙王勒令武

鄉耆舊赴襄國既至親與鄉老齒坐歡飲令曰武鄉吾之豐

沛萬歲之後魂靈當歸之其復之三世 拓拔猗奴妻惟氏

殺代王鬱律立賀_德傳德

明帝太甯二年甲申後趙趙王六年代王賀傳徙居東木根

山魏書序紀

三年代王賀傳卒弟紇那嗣上

成帝咸和二年丁亥後趙趙王八年趙王勒遣石虎率騎五

千攻代代王紇那禦之句注陞北不利遷於大甯上

三年趙王勒遣其將石他自雁門出上郡襲安國將軍北羌王盆句除俘三千餘獲牛馬百餘萬而歸 八月石虎率眾

四萬擊趙進攻蒲坂趙主曜盡中外精銳自潼關北濟虎懼

引師而還曜追而敗之晉書云戰於高侯原枕尸二百餘里秋十六國晉

年十二月曜兵敗洛陽爲勒所獲明年進取長安前趙亡

七年雹起西河介山大如雞子平地三尺洿下丈餘行人禽

獸死者萬數歷太原樂平武鄉趙郡廣平鉅鹿千餘里樹木

摧折禾稼蕩然趙主從黃門郎韋謏言令并復寒食如初魏記

九年七月趙主勒卒子宏立召諸鎮同討中山王石虎十月

石生起兵關中虎統兵七萬進師攻之以石挺爲前鋒大都

督生遣將軍郭權率鮮卑涉瑣部眾二萬爲前鋒拒之生統

大軍繼發次於蒲坂前鋒及挺大戰潼關敗績挺及丞相左

長史劉隗皆戰死鮮卑密通於虎背生而擊之生時停蒲坂不知挺之死也懼單馬奔長安上

咸康二年

丙申 後趙石虎建武二年

代王紇那復立騎槐出居於鄴

紀序

三年趙主石虎自稱大趙天王太原徙人五百餘戶叛入黑羌武鄉長城徙人韓強獲元玉璽詣鄴獻拜強騎都尉復其一門中書令王波上元璽頌以美之 趙遣將李穆率騎五千納騎槐於大甯國人六千餘落叛紇那紇那出居於慕容部 騎槐城新樂城都之

四年代王騎槐卒弟什翼健卽位於繁峙之北稱建國元年分國之半以與弟孤通鑑騎槐弟什翼健質於趙騎槐疾病在茲來未可必謀立次弟孤孤不可自前鄴 趙王虎義而俱遣之

五年春代移都於雲中之盛樂宮 燕主慕容儁徙代郡人

於凡城

魏書序經
晉書載記

七年九月代王築盛樂城於故城之南八里 十月劉虎寇

代西境遣軍逆討大破之

序紀

八年七月代王集諸部參合陁設壇埒講武馳射因以爲常

同上

穆帝永和二年

丙午二年

後趙建武十年 趙遣征北張舉自雁門

討索頭郁鞠克之 七月趙遣太子宣游獵州郡復命次子

秦公韜繼出自并州至於秦雍皆乘大輅羽葆華蓋建天子

旌旗戍卒十八萬所過州郡資儲皆無子遺 發百姓牛十

二萬餘頭配朔州牧官

載記

三年趙發并司州二萬餘人以石甯爲征西將軍率之同麻

秋等討張重華

同上

六年四月趙主虎卒其將苻洪爲麻秋醜死洪子健自稱晉

征西大將軍都督關中諸軍事盡眾西行遣弟雄步騎五千

入潼關兄子菁自軹關入河東健至曲沃以雄子堅爲龍驤

將軍十六國春秋健之入關次於曲沃夢天神遣使者朱衣

先王昔受此號故父次爲之今

八年八月燕慕容評圍鄴冉閔將劉宙及弟崇帥胡騎三千

奔於晉陽蘇亥乘常山奔於新興時冉閔爲燕所擒趙將張平以

并州歸燕

載

十一年十二月上黨人馮鴛自稱太守苻生遣將降晉

紀

并州降秦

十二年姚襄率眾萬餘攻秦平陽太守苻產於何奴堡苻柳

救之爲襄所敗引還蒲坂襄遂攻堡克之殺符產盡阮其眾
并州刺史尹赤以眾降襄遂據襄陵尋徙北屈遣使從秦假
道將還隴西秦主生遣使拜襄官爵襄不受斬其使者焚所
送章策掠河東生怒命其大將軍張平討之平更與襄通和
進屯杏城遣姚闢王欽等招動定陽芹州眾二萬七千進據

黃洛

載記

升平元年

丁巳

代建國二十年

秦符堅永興元年

燕慕容七月秦將張平

以并州降晉遂以爲并州刺史

匈奴單于賀賴頭率部落

三萬五千降於燕拜爲雷西將軍雲中郡公處之於代郡平

舒城

同上

二年二月秦王堅自將擊張平以鄧羌爲前鋒軍於汾水上
平使養子蚝禦之鄧羌擒之以獻平眾大潰乃降 六月秦

主堅如河東祀后土八月自臨晉登龍門願謂羣臣曰美哉山河之固權異對曰吳起有言在德不在險深願陛下追蹤唐虞懷遠以德山河之固不足恃也堅大悅至韓原觀晉魏顆鬼結草抗秦軍之處賦詩而歸

十六國春秋

燕擊張平平復

降燕燕將慕容恪進據上黨晉冠軍將軍馮鸞以眾叛歸燕盡陷河北之地初冉閔之僭號石季龍將張平率其所部稱藩於僞遣子入侍旣而投款建業結援符堅並受爵位羈縻自固上黨馮鸞自稱太守附於平平屢言之僞以平赦其罪以爲京兆太守鸞亦陰通京師平跨有新興雁門西河太原上黨上郡之地壁壘三百餘里胡晉十餘萬戶遂拜征虜爲鼎峙之勢僞遣其司徒慕容評討平領軍慕容與根討鸞并州壁壘降者百餘所以尙書右僕射悅稍爲安西將軍領護匈奴

中郎將并州刺史以燕之既而平帥眾三千奔於平陽焉奔

於野王悉降其眾

慕容儁載記

三年春代王東巡至桑乾川 匈奴劉衛辰遣使降秦秦雲

中護軍賈雍帥騎襲之大獲而還秦主堅黜雍遣使還其所

獲慰撫之

載記衛辰封連勃勃之父

五年正月劉衛辰叛秦降代 十月秦擊張平於平陽降之

並通鑑 平代郡人秦驍騎將軍張氏其養子也平後並沒於秦

哀帝隆和元年 王戌代建國二十二年 燕慕容暉建熙三年 秦甘露四年 代王南巡

至君子津十月至代

紀序

興甯三年 乙丑代建國二十八年 燕建熙六年 秦建元元年 匈奴衛辰謀反代東

渡河代王討之衛辰遁走

同上

海西公太和元年 丙寅代建國二十九年 燕建熙七年 秦建元二年 代王自將征

衛辰時河水未成乃以葦緇約斯俄然冰草相結如浮橋眾
軍利涉出其不意衛辰與宗族西走收其部落而還俘獲生
口及馬牛羊數十萬頭

同上

三年正月代王南巡君子津 秦符柳據蒲坂叛王猛鄧羌
攻之柳出挑戰猛閉壘不出柳以猛憚己留其子良守蒲坂
率眾二萬將攻長安鄧羌率勁騎七千夜襲敗之柳引軍還
猛盡眾邀擊悉俘其卒柳與數百騎入城猛尋破之斬柳及
其妻子猛遂屯蒲坂

魏書序紀
晉書載記

五年六月秦遣王猛督諸軍伐燕八月攻壺關燕主命太傅
評將中外兵三十萬拒之畏猛不敢進猛克壺關所過郡縣
皆望風降附燕人大震秦楊安攻晉陽久未下猛引兵助攻
爲地道使將軍張蚝帥壯士數百潛入城中大呼斬關納秦

兵遂入晉陽評屯潞川猛進兵與相持評爲人食鄆郭固山泉驚樵及水積錢帛如邱陵士卒怨憤莫有鬪志猛遣將軍郭慶帥騎五千夜從間道出評營後燒平輜重火見鄆中燕主暉懼讓評命悉以錢帛散之軍士且趣使戰評大懼請戰猛陳於涓原晉師眾皆踴躍被釜棄櫓大呼競進將軍鄆羌大飲帳中與張蚝徐成跨馬連矛馳赴燕陳出入數四旁若無人所殺傷數百及日中燕兵大敗俘斬五萬餘乘勝追擊所殺及降又十餘萬評單騎走還鄆 秦主堅率眾十萬會王猛攻鄆燕散騎侍郎徐蔚等奉上黨質子五百餘人夜開城門以納秦軍秦滅燕徙冀州治鄆置并州於蒲坂

孝武帝太元元年

丙子年

代建國三十九年 秦建元十二年

劉衛辰爲代所逼

求救於秦十二月秦遣行唐公洛鄆羌朱彤等將兵擊之以

衛辰爲舞導代王使南部大人劉庫仁將兵拒戰大敗什翼
健病不能自將乃奔陰山之北秦兵稍退復還雲中初什翼
健世子寔早卒寔子珪尙幼繼嗣未定庶長子寔君遂殺諸
弟並殺什翼健秦兵趨雲中部眾逃散國中大亂珪母賀氏
以珪走依賀訥秦執寔君至長安車裂之分代爲二部自河
以東屬劉庫仁自河以西屬衛辰

同上

五年秦以大鴻臚韓允領護赤沙中郎將移烏丸府於代郡
之平城王騰爲鷹揚將軍并州刺史領護匈奴中郎將鎮晉

陽

同上

九年秦平陽太守慕容冲起兵河東有眾二萬進攻蒲坂秦
主命賀衝討之四月大破冲於河東冲率騎八千奔於慕容
泓軍 九月慕容冲起逼長安秦甯朔將軍宋方率騎三千

從雲中入援姚萇要擊破之方奔免 冬十月單于劉庫仁發雁門上谷代郡兵屯繁峙欲救苻丕燕慕輿文在庫仁所知三郡兵不樂遠征因作亂夜攻庫仁殺之竊其駿馬奔燕

庫仁弟頭眷代領部眾

戰記魏書列傳

十年秦主堅卒子丕自鄴城將收兵趙魏西赴長安會幽州刺史王永平州刺史苻冲率眾三萬進屯壺關遣使招丕丕乃去鄴率男女六萬餘口進如潞川驃騎張蚝并州刺史王騰迎之入據晉陽始知堅死問舉哀於晉陽三軍縞素王永留苻冲守壺關率騎一萬會丕勸上尊號丕從之乃即皇帝位於晉陽立堅行廟大赦境內改元太安 劉庫仁子顯殺

頭眷而代之

戰記魏書帝紀

十一年後魏道武登國元年

丙戌 興元年

秦太安二年 西燕慕容忠

後燕建武元

年慕容永正月卽代王位郊天建元大會於牛川二月幸定

襄之盛樂息眾課農慕容恆慕容永殺段隨時西燕主慕容

立冲將段隨爲燕王立宜都王子顛號建率鮮卑男女四十

餘萬口去長安而東恆弟韜殺顛恆又立冲之子瑤號建永

又殺之乃立泓子忠爲帝忠以永爲丞相至聞喜聞燕主垂

已帝不改進築燕熙城而居之三月劉顯自善無南走

馬邑其族奴眞宰所部降代四月代改稱魏五月西燕

弑其主忠立慕容永爲河東王七月劉顯弟肺泥率騎掠

奴眞部落旣而率以降魏八月劉顯弟亢泥迎窟咄以兵

來逼魏南境窟咄道武之叔父爲符堅徙於長諸部騷動魏

主北踰陰山如賀蘭部阻山爲固遣行人安同長孫賀使燕

徵師燕慕容賀麟案卽燕趙率步騎以隨十月魏主自弩山

王慕容麟

牛川屯于延水南出代谷會賀驛於高柳大破窟咄窟咄
奔衛辰衛辰殺之魏悉收其眾 秦主丕留王騰守晉陽楊
輔守壺關率眾四萬進據平陽王統以秦州降姚萇慕容丕
以丕至平陽恐不自固乃遣使求假道還東丕弗許遣王永
及苻纂攻之以俱石子爲前鋒都督戰於襄陵王永大敗及
石子皆死之丕率騎數千南向東垣晉揚威將軍馮該自陝
要擊斬之執其太子甯送建業苻纂率丕餘眾數萬奔據杏
城 慕容丕進據長子卽帝位

同上

十二年魏二年六月魏主親征劉顯於馬邑南追至彌澤大
破之顯奔西燕魏盡收其部落 十月魏主幸濡源十一月

至赤城十二月巡松漠還幸牛川

魏書
帝紀

十五年魏五年正月晉征虜將軍朱序破西燕主丕於太行

永歸上黨序追至白水相持二旬乃還晉書慕容永率眾向洛陽序自河陰北濟

與永將王次等相遇於沁水次敗之斬其支將勿支首參軍趙睦江夏相桓不才追永破之於太行永歸上黨時楊精聚

數千在朔陝間永敗遣任子詣序乞降序追至上黨之白水聞翟遼欲向金墉乃還四月魏主至

意辛山與燕慕容賀麟討賀蘭紇奚諸部落大破之 六月

魏主還幸牛川衛辰遣子直力鞬寇賀蘭部賀訥等告困請

降七月引兵救之至羊山直力鞬退走八月還幸牛川 十

月魏還雲中討高車豆陳部於狼山破之魏書帝紀

十六年魏六年二月魏主幸紐垓川 六月燕慕容賀麟破

賀訥於赤城魏主引兵救之麟退走 七月魏主講武於牛

川行還紐垓川衛辰遣子直力鞬出稍陽塞侵及黑城 九

月魏主襲五原屠之收其積穀還紐垓川於稍陽塞北樹碑

紀功 十一月還幸紐垓川直力鞬寇南部車駕出討大破

之於鐵岐山南獲其器械輜重牛羊二十餘萬自五原金津南渡河次其所居悅跋城衛辰父子奔遁 十二月次於鹽池自河以南諸部悉平簿其珍寶畜產名馬三十餘萬牛羊四百餘萬頭班賜大臣各有差起河南宮 山胡酋大幡頽業易于等率三千餘家降魏居於馬邑同上

十七年魏七年正月魏主幸木根山遂次黑鹽池饗宴羣臣觀諸國貢使北之美水三月宴羣臣於水濱遂幸河南宮八月行幸漠南仍築巡臺 燕慕容農追擊程釗擒其眾釗奔

長子

魏書帝紀
晉書載記

十八年魏八年魏主南巡二月幸殺羊原赴白樓 五月魏主還幸白樓 燕主垂擊西燕發步騎七萬遣其丹陽王慕容瓚龍曠張崇攻承弟支於晉陽承遣其將刁雲慕容鍾率

眾五萬屯潞川告急於魏魏遣陳留公元虔將軍庾岳率騎五萬渡河救之屯秀容 七月魏主臨幸新壇宴羣臣仍講

武九月還幸河南宮

同上

十九年魏九年三月魏主北巡使東平公元儀屯田於河北五原至於朔陽塞外 五月魏主田於河東 燕遣慕容楷出自溢口慕容農入白壺關燕主頓於鄴之西南月餘不進西燕主乃攝諸軍還杜太行軹關燕進師入自天井關至於臺壁永率精兵五萬來拒阻河曲以自固馳使請垂戰列陣於臺壁之南農楷分爲二翼慕容國伏千兵於深澗與永大戰垂引軍僞退永追奔數里國發伏兵馳斷其後楷農夾擊之永師大敗奔還長子慕容瓌攻克晉陽垂進圍長子七月永將賈韜潛爲內應垂進軍入城永奔北門爲前驅所獲於

是數而戮之并其所署公卿刁雲三十餘人

魏書列傳承因急遣子常山公

宏等求救於晉雍州刺史輔恢并獻王璽一經晉出兵救之承恐晉兵不至又遣太子亮爲質於晉平視追亮及於高都復之承又告急於魏太祖遣陳留公虔將軍庚岳帥騎五萬屯秀容以救之時晉魏兵未至大逸豆歸部賈翺等潛爲內應西燕所統新舊八郡戶七萬六千八百及乘輿服伎樂珍

悉獲之

魏書苻堅既敗長安紛擾慕容承之東也禮樂器用多歸長子及垂平承並入於中山

垂以宜

都王鳳爲雍州刺史鎮長子

同上

二十年魏十年五月魏主幸鹽池六月還幸河南宮七月

燕遣其太子寶及農與慕容麟等率眾八萬伐魏慕容德及紹以步騎一萬八千爲寶後繼魏悉徙部落畜產西渡河千餘里以避之燕軍至五原降魏別部三萬餘家收稼田百餘萬斛造船爲濟九月魏主進軍臨河使陳留公元虔在東以絕其左元儀五萬騎在河北以承其後略陽公元遵七萬

騎塞其中山之路十月燕軍燒船夜遁時河水未結寶以魏軍必不能渡不設斥候十一月暴風冰合魏主引兵濟河選精銳二萬餘騎急追之寶至參合陂有大風黑氣如隄俄而黃霧四塞魏軍晨夜兼行至參合陂西夜部分諸將令士卒銜枚束馬口潛進旦日登山下臨燕營燕軍大驚擾亂縱兵擊之死者萬數略陽公元遵還兵擊其前復禽四五萬人寶等單騎僅免 十二月魏主還幸雲中之盛樂上同

二十一年魏皇始元年正月魏主大蒐於定襄之虎山因東幸善無北陂 三月燕主垂留范陽王德守中山引兵密發踰青嶺經天門鑿山開道出魏不意直指雲中魏陳留公虔鎮平城出戰敗死收其眾三萬餘人垂至參合見往年戰處積骸如山設弔祭之禮死者父兄一時號哭聲震山谷垂慚

憤歐血因而寢疾乘馬輿過平城北三十里疾篤築燕昌城而還寶等至雲中聞垂疾皆引歸垂至上谷之俎陽卒八月

月魏大舉伐燕親勒六軍四十餘萬南出馬邑踰於句注旌

旗絡繹一千餘里鼓行而前民屋皆震九月次陽曲乘西山

臨觀晉陽命諸將引騎圍脅燕并州牧遼西王農大懼將妻

子棄城夜出東遁并州平按記魏伐并州驛騎李農逆戰敗

之農率騎數千奔歸中山行及滌川為魏追軍所及餘騎盡沒軍馬遁還案李農疑慕容容農之誤慕容嵩亦作慕容

詔輔國將軍奚牧略地晉川獲燕丹陽王買得等於平陶城

十月車駕出井陘使冠軍將軍王建左軍將軍李栗將五萬

騎先驅啓行秦主以姚緒為并冀二州牧鎮蒲坂慕容容之

之既滅也河東太守柳恭等各阻兵自守興遣姚緒討之恭

等依河距守緒不得濟鎮東薛強永嘉之亂汾陰薛氏聚族阻河自保不仕劉石苻氏

至是興以禮聘張先據楊氏壁引緒軍從龍門濟河遂入蒲

坂恭勢屈請降徙新平安定新戶六千於蒲坂同

安帝隆安元年魏皇始二年丁酉 後秦 皇初二年二月魏并州守將

封真率其種族與徙河爲逆將攻刺史元延延討平之賀蘭

部帥附力眷紇突鄰部帥匿物尼紇奚部帥叱弩根聚黨反

於陰館南安公順率軍討之不克死者數千詔安遠將軍庾

岳總萬騎還討叱弩根滅之魏書 帝紀 列傳

二年魏天興元年正月魏主將北還發卒萬人治直道自望

都鐵關鑿恆嶺至代五百餘里徙山東六州民吏及徒河高

麗雜夷三十六萬百工伎巧十餘萬口以充京師二月車駕

自中山幸繁峙宮詔給內徙新民耕牛計口受田 三月離

石胡帥呼延鐵西河胡帥張崇等聚黨數千人叛詔安遠將

軍庚岳討平之 七月魏遷都平城始營宮室建宗廟立社稷八月詔有司正封畿制郊甸端經術標道路平五權較五量定五度遣使巡行郡國舉奏守宰不法者親覽察黜陟之
十二月魏主臨天文殿卽皇帝位大赦改年徙六州二十

二郡守宰豪傑吏民二千家於代都

同上

三年魏二年正月北巡分命諸將大襲高車大將軍常山王遵等三軍從東道出長川鎮北將軍高涼王樂眞等七軍從西道出牛川車駕親勒六軍從中道自駁髡水西北二月破高車還次牛川及薄山並刻石紀功以所獲高車眾起鹿苑於南臺陰北距長城東包白登屬之西山廣輪數十里鑿渠引武州水案當爲如渾水之誘見水經注注之苑中疏爲三溝分流宮城內外又穿鴻雁池三月車駕至自北伐 七月獲嘉禾於平城

異莖同穎起天華殿大闢於鹿苑 八月平城南十里郊嘉

禾一莖九穗告於宗廟增啟京師十二門作西武庫除州郡

民租賦之半

魏書序紀
靈後志

四年魏三年三月穿城南渠通於城內作東西魚池 五月

西幸馬邑觀溫源 七月起中天殿及雲母堂金華堂

同上

五年魏四年五月起紫極殿元武樓涼風觀石池鹿苑臺

同上

元興元年魏五年

壬寅
宏始四年

正月大簡輿徒詔并州諸軍積

穀於平陽之乾壁五月秦主興遣其弟義陽王平來侵平陽

攻陷乾壁七月車駕西討八月至乾壁平固守進軍圍之秦

主悉舉其眾來救帝渡蒙阮逆擊大破之平赴水死俘獲其

眾三萬餘人秦頻使求和不許羣臣請進平蒲坂以慮

為難班師十一月車駕次晉陽

魏平陽太守甄庶侵河東
興遣弟安北將軍義陽王平

尚書右僕射狄伯支等率步騎四萬伐魏軍次河東興率少
卒四萬七千自長安赴平陵王順豫州刺史長孫肥等六
失井陘之六月太祖遣毘陵王順豫州刺史長孫肥等六
騎為先鋒七月太祖遣魏虛實長孫肥逆擊擒之平安退走
帥將精騎二百魏虛實長孫肥逆擊擒之平安退走
祖急追及於柴壁平嬰城固守魏軍圍之乃悉舉其眾救
外將據天渡運糧饋平魏嚴設伏兵增築重圍內以防平
蹊徑不通與來必從汾西直臨柴壁東有蒙航東西三十餘
阻雖固不能制也太祖以為然遂鼓汾汾曲為南北浮橋乘
所施其智力矣太祖以為然遂鼓汾汾曲為南北浮橋乘
築圍與自蒲坂進兵太祖率步騎三萬餘渡蒙航南四十里
逆擊與晨行北引未及營魏軍猝至眾怖擾太祖遣毘陵
王順以情騎衝擊獲甲騎數百斬千餘級與退南走四十餘
里魏引兵還平亦不敢出但使人燒圍數百步而已魏守天
氣已挂乃分兵據險要南絕蒙航之口東杜新坂之隘守天
渡屯賈山令平水陸絕路將坐甲而禽之九月興從汾西北
下營憑壑為壘欲以自固東柏材從汾水而上流經之欲以
浮梁魏軍皆鉤取以為薪蒸太祖度與必攻西圖乃命修壘
增廣之至夜興攻西園梯短不及棄之壘中而還又令其眾
臨汾為壘叩逼水門與相望魏因絕其水中外隔絕汾水卒
喪氣十月平糧盡天竭夜悉眾突西南圍求與列兵汾水
西舉烽鼓譟為平接應太祖簡精銳屯於汾西固守南橋塞
絕水口平不得出計窮力盡乃將二妾帥麾下三十騎赴汾

水死平眾三萬餘人皆斂手就縛又擒尙書僕射狄伯支等
興從子伯禽已下四品將軍已上四十餘人興窮力不能救
舉軍慟哭聲振山谷數日不止頻遣使求和於遣左將軍
魏太祖不許乘勝進攻蒲坂晉公緒固守不戰
莫題討上黨羣盜頗丁零翟都於壺關上黨太守捕頗斬之
都走林慮 十二月越勤莫弗率其部萬餘家內屬居五原
之北 是歲太史令晁崇奏角蟲將死既克姚平上慮牛疫
乃命諸軍併重焚車及車駕北引牛大疫死者十八九官軍
所馭巨犍數百同日斃於路側首尾相屬麋鹿亦多死魏書
帝紀

天象
志

二年魏六年正月朔方尉遲別部率僞家內屬入居雲中

三月北巡築離宮於豺山縱士校獵東北踰獨嶺出參合代
谷 九月行幸南平城規度澤南夏屋山背黃瓜堆將建新

邑辛未宮駕還宮 十月起昭陽殿

同上

三年魏天始元年

甲辰 後秦 宏始六年

正月遣離石護軍劉託字騎

三千襲蒲子

十月築西宮

同上

義熙二年魏三年

丙午 後秦 宏始八年

北巡幸豺山宮校獵至屋孤

山二月幸代園山建五石亭四月復幸豺山宮遂登定襄角

史山 六月發八部五百里內男丁築溼南宮門闕高十餘

丈引溝穿池廣苑圍規立外城方二十里分置市里經途洞

達三十日罷

八月行幸豺山宮遂至青牛山西登武要北

原觀九十九泉造石亭遂之石漠九月幸漠南鹽池南還長

川臨觀長陵

秦并州定陽二城胡數萬叛入於平陽攻立

義姚成都於匈奴堡推匈奴曹宏爲大單于所在殘掠征東

姚懿自蒲坂討宏戰於平陽大破之執宏送於長安徙其衆

右萬五千落於雍州

魏書帝紀 晉書載記

三年魏四年五月北巡自參合陂東過蟠羊山大雨暴水流輻重數百乘殺百餘人遂東北踰石漠至長川七月自濡源

西幸參合陂築北宮垣三旬而罷乃還宮八月幸豺山宮帝紀

四年魏五年正月行幸豺山宮遂如參合陂觀漁于延水

蠕蠕社輪犯塞入自參合陂南至豺山及善無北澤遣常山

王遵以萬騎追之不及魏書帝紀

蠕蠕傳

五年魏六年三月恆山崩四月雷震天安殿東序命左校以衝車攻殿東西兩序屋毀之 十月戊申清河王紹作亂帝

崩於天安殿魏書靈徵志帝紀

六年魏明元帝永興二年正月平陽民黃苗等依汾自固守秦官號并州刺史元六頭討平之詔將軍于栗磳領步騎一萬鎮平陽 五月長孫嵩自大漠還蠕蠕追圍之於牛川帝

北伐蠕蠕聞而遁走車駕還幸參合陂七月立馬射臺於陂

西講武教戰 九月甲戌葬太祖宣武皇帝

秦帝五年更益道武

於盛

樂金陵 十二月詔將軍周觀率眾詣西河離石鎮撫山胡

紀說

七年魏三年二月代京大風 四月河東蜀民黃思郭綜等

率營部七百餘家內屬 五月車駕謁金陵於盛樂 六月

西河胡張賢等率營部內附 八月詔將軍東州侯尉古真

統兵五千鎮西境大洛城 十一月代京大風 十二月北

塞候人獲玉版以獻

魏書帝紀
靈徵志

八年魏四年正月癸卯元會大風晦冥 二月登虎圈射虎

四月宴羣臣於西宮 七月東巡大獮於石會山萬去畿

陂觀漁至於濡源西巡幸北部諸落賜以綰帛 八月幸西

宮臨板殿大饗羣臣將吏以田獵所獲賜之命民大酺三日
十二月北巡至長城而還魏紀

九年魏五年正月大閱畿內男子十二以上悉集於東郊帝
臨白登躬自校覽焉 二月幸高柳川穿魚池於北苑 四
月河東民薛相帥部內屬上黨民勞聰士璠羣聚爲盜殺太
守令長相率外奔 五月西巡幸雲中舊宮之太室遣元城
侯元屈等率眾三千鎮并州會稽公劉潔永安侯魏勤等率
眾三千鎮西河 六月西幸五原校獵於骨羅山獲獸十萬
獲澤劉逸自號征東將軍三巴王王紹爲署置宮屬攻逼建
興郡元屈等討平之 七月還幸薄山自太室西南巡諸部
洛賜其渠帥繒帛各有差迷南次定襄大洛城東踰七嶺山
田於善無川 八月奚斤等破越勒倍泥部落於跋那山

師帝臨白登觀降民數軍實先是河西胡曹龍張大頭等各領部擁眾二萬人來入蒲子逼脅張外於研子壘外給以牛酒殺馬盟誓推龍爲大單于至是曹龍降執送張外斬之

十月將軍元屈會稽公劉潔永安公魏勤擊吐京叛胡失利列傳潔被傷勤死之離石胡出以脊引屈可騎斷山嶺要潔

潔失馬登山力戰矢刃俱盡爲所執送詣屈巧十一月大饗於西宮 十二月庚寅代京大風起自西

方

魏書帝紀
靈徵志

十年魏神瑞元年正月幸繁峙 二月夏王赫連屈子入寇

河東蒲子殺掠吏民三城護軍張昌等要擊走之西河胡曹成吐京民劉初原攻殺夏軍所置吐京護軍及其守者三百餘人 幸豺山宮起豐宮於平城東北

魏紀

十一年魏二年二月大饗於西宮立太祖廟於白登之西

三月河西饑胡屯聚上黨推白亞栗斯爲盟主號大將軍又號單于稱建平元年以司馬順宰爲謀主河南流民眾廢粟

斯而立劉虎號善王詔將軍公孫表等五將討之

列傳公孫表等

爲虎所敗假叔孫建安平公督表等以討虎斬首萬餘級餘眾奔走投化而死水爲不流虜其眾十餘萬口

車

駕北巡五月次於參合東幸大甯七月還宮復所過田租之半九月河南流民前後三千餘家內屬京師民饑聽出山

東就食十月幸沮洳城詔以頃者頻遇霜旱年穀不登百

姓飢寒不能自存者甚眾出布帛倉穀以賑貧窮

時以此歲霜旱議遷

都鄴以崔浩言而止帝躬耕藉田勸課農桑明年大熟民遂富安

十一月幸豺山宮是

歲秦王興寢疾子弼謀爲亂姚裕遣使告姚懿於蒲坂懿於是盡赦囚徒散布帛數萬匹以賜將士建牙誓眾將赴長安

同興疾瘳罷兵

魏書帝紀晉書載記

十二年魏泰常元年正月幸豺山宮 六月北巡自白鹿陂

西行大獮於牛川 九月前并州刺史叔孫建等大破山胡

劉虎東走爲從人所殺司馬順宰等皆死 十月幸豺山宮

是歲秦主姚興卒子泓立泓弟懿鎮蒲坂謀襲長安廢泓

自立乃引兵至陝津散穀以賜河北夷夏泓遣姚瓚等屯陝

津武衛姚驢屯潼關懿遂舉兵僭號傳檄州郡欲迎匈奴堡

穀以給鎮人甯東將軍姚成都拒之擒其將王國宣告諸城

勉以忠義河東之兵無詣懿者獨臨晉數千戶叛應姚紹濟

自蒲津擊叛戶大破之懿震懼鎮人安定郭純王奴等率眾

圍懿紹入於蒲坂執懿囚之

魏紀

十三年魏二年四月幸高柳 晉太尉劉裕伐秦將軍王鎮

惡進軍潼關檀道濟沈林子自陝北渡河攻蒲坂秦主泓以

東平公紹爲太宰封魯公督軍守潼關時別將苟卓攻匈奴堡爲秦甯東姚成都所敗秦遣姚驢救蒲坂與并州刺史尹昭夾攻道濟乃棄蒲坂南向潼關紹出戰道濟奮擊大破之紹退屯定城遣姚鸞屯大路絕晉糧道姚讚屯河上運蒲坂粟以給軍又遣姚洽等率三千騎屯河北之九原欲絕道濟諸縣租輸皆爲沈林子所敗秦姚法求救於魏魏遣遊擊將軍王洛生屯於河東長孫嵩將兵十萬屯河北岸四月劉裕引軍入河遣將軍丁旼等擊魏軍破之敗魏將賊青於河曲斬青裨將阿薄于五月魏帝西巡至雲中遂濟河田於大漠七月作白臺於城南高二十丈八月劉裕至潼關遣將軍朱超石徐猗之會薛帛於河北以攻蒲坂

先是三月秦建威將軍河北太

薛帛據解縣沈林子自襄邑堡馳之帛棄軍奔河東林子收其兵糧

秦鎮東將軍姚璞及姚

部擊敗之猗之遇害超石奔煇關會晉軍入長安秦主法
降并州刺史尹昭以蒲坂降於晉晉以毛德祖爲刺史鎮
之秦匈奴鎮將姚成都與弟和都舉鎮來降 十一月魏司
徒長孫嵩等還軍至樂平詔嵩遣娥清周幾與叔孫建討西
山丁零翟蜀洛支等悉滅餘黨而還 十月車駕田於西山

辛大甯長川

通鑑
魏紀

十四年魏三年四月徙冀定幽三州徙河於京師 八月雁

門大雨復其租稅 十月築宮於西苑

魏紀

恭帝元熙元年魏四年己未夏 正月車駕臨河大蒐於

積堵 夏主赫連勃勃遣其將叱奴候提率步騎二萬攻晉

并州刺史毛德祖於蒲坂德祖奔於洛陽夏以候提爲并州

刺史鎮蒲坂 三月晉甯明將軍平陽太守匈奴護軍薛辯

降於魏 四月車駕南幸雁門賜所過無出今年租賦五月

觀漁於灑水車駕還復所過一年租賦九月築宮於白登山

十二月西巡至雲中踰白道北獵野馬於辱孤山至於黃河

從君子津西渡大狩於薛林山

魏紀

二年魏五年正月車駕自薛林東還至於屋寶城饗勞將士

大酺二日班禽獸以賜之 四月起灑南宮 六月行幸醫

犢山七月丁酉西至於五原丁未幸雲中太室 十一月詔

驍騎將軍延譚城乾城 是歲晉劉裕廢其主自稱皇帝號

宋上

右北魏東晉及十六國

案晉自劉琨去晉陽後無復并州片土迨東晉末造

始得蒲坂雖僅一年然不可謂典午之統竟絕也故於南北朝初仍存晉號蓋百年之間歷二劉石趙慕容苻秦姚秦赫連六姓九僭國至北魏神龜而後地歸於一其疆域紛錯亦已甚矣茲皆生其

年號而於北魏仍人書以著北朝之始東晉以後
則別爲卷不復存對宋之號以南北朝無扶可言
也

山西通志卷八十三